


Amakhua nende chipicha: Willem de Vink

YESU KURISITO

OMUNDU WUKALUKHASIANGA ESIALO



YESU KURISITO Willem de Vink

SINA NISIO...



Chikhabi: Bibeele ebindu biosi ebilayi bia Nyasaye yenyanga okhuhelesia abandu bakholanga buli ka yenyanga.

Ebangeli: Mu Ebangeli onyala okhusoma khuli Nyasaye alengelanga abandu nende khuli ahambananga ninaabo.




Libeela: Nyasaye abeelanga, nabuchwa abulao omundu wolaana okhubeelwa ta. Nyasaye abeelanga niiba mbo ewe toto wikanila obwoni mani wenya okhukalukhana. Libeela linyoolekhananga sikila Yesu yabukula likhalaka lia esinyasio sia khwakhoyela okhunyoola.



Lisaala: Olakaya nende Nyasaye, mu omwoyo naho mu okhuwulilikha mani wesi omurekeresia niye.

Lisanga: Abalondi ba Yesu bechulilanga lifwa lilie nende lisiisimukha mu yinjila ya ya emesa ya Omwami, yaani omukati nende etibai.



Lisisimukha: Yesu yasisimukha okhurula mu abafu. Yinyinga ndala buli omundu akhasisimukhe okhurula mu abafu. Mani Nyasaye akhakhalakile buli omundu.



Lisuubila: Okhusuubila mu Nyasaye khu silia sia yalaka okhusikhola.

Masiya: 'Omwami wabiitwa amafura'. Kurisito (Likhuwa lia Oluhepurania) liakalukhasibwa mu Oluyunani nga Kurisito.



Obulamu bwa kenyi na kenyi: Limenya nende Yesu khuli Nyasaye yenyanga. Likuuranga lifwa khandi libula esiakamo.

Obwami bwa Nyasaye: Obwami bwa Nyasaye bubeele abundu wa abandu bamuhechanga liria.

Obwoni: Amakhuwa ka khukholanga lukano nende elienya lia Nyasaye kakhukhingililanga okhutuukha khu yinganakani ya Nyasaye khwifwe.

Okhukalukha: Buli esindu sikhabe esiyakha Iwa Yesu akhakalukhe mu esialo. Likulu nende esialo bikhakalukhasibwe nende Nyasaye.

Omurume: Wubeele omulondi wa Yesu.

Omusalapa: Esindu sia esinyasio siarumikhwa okhubamba Yesu mu lienya lilie omwene. Nisio esiechesi khu abalondi ba Yesu boosi.

Omwana wa Nyasaye: Elira lia Yesu. Wubeele Nyasaye wecha mu esialo nga omundu, nga Omwana wa Nyasaye.

Pasaka: Yibele yikhoyo ya okhosisimukha khwa Yesu. Yikhoyo yino yali ya okhwichulila obusikuli bwa Abaisiraeli okhurula Misiri. Yikhoyo yino yosi yalangwangwa Pasaka.

Roho Omuraboola: Wubeele Roho wa Nyasaye arumikhilanga okhwenya okhumenya mukari mwa abandu balondanga Yesu.

Sietani: Omusuku wa Nyasaye nende abandu wukhalolekha ta. (Khandi bamulanganga bari omumayanu)

Yesu: Elira lia Omwana wa Nyasaye, liechesia liri, 'Nyasaye ahonianga'.

Yingeloosi: Omurume wa Nyasaye wukhalolekha ta.



CHINYINGA CHA YESU

Ebikha biefu birachikha nende elibulwa lia Yesu. Abandu bachendanga khu ebilenje buchwa naho nibarumikhila chisikhili , chingamia nende chifarasi. Chimbeka chikhongo cha Ebulaya, Yikwe ya akari, nende Afurika ya Esabani charukwangwa nende obwami bwa Abarumi. Abandu abanyinji sibali bamanya okhusoma nende okhuandika ta, nabuchwa Abayahuti mu esibala sia Isireli bali bamanya. Balangwangwa bari 'abandu ba esitabu.'

Nyasaye alakayanga mu Esitabu siisie silangwangwa mbo Ebangeli. Niye wubeele omulongi wa buli esindu na yenza okhuba omulina wa buli omundu. Yesu yechesia ario abulafu muno.


WINA NIYE YESU KURISITO?

Yesu yamenya emiyika kituukha 2,000 kiabira Ebuisiraeli. Khumulanganga khuri 'Yesu Kurisito' naho 'Yesu Masiya'. Liechesia liri niye wubeele Omwami. Sikali bari wubeele Omwami buchwa ta. Yesu yalangwa 'Omwana wa Nyasaye' khandi 'Omwana wa Omundu'. Lino liechesia liri niye wubeele Nyasaye khandi omundu. Yimbakha ya limenya lia Yesu yayenoosibwa mu Ebangeli. Yibeele yimbakha yikhongo buli lwosi.





ISIRAEELI CHINYINGA CHA YESU



Olukoba olukhongo: Yerusalemu

Chingongo: Kalilaya, Samaria, Yuta.

Obubalayi: Chikilomita nga 28,000 chiri.


Lifwanana lia elwany: Yibechanga nende esimiyu nende obubile, yikelao yikalukhana yiba obunyifu nende oluuya esiyambola.

Siasa: Okhurulila emiyika 63 Yesu nasili okhwicha Abaisraeli barukwangwa nende Abarumi.

Oburuki: Lwa Kabana Omurumi, Pontio Pilato, yarukanga Isiraeli. Tiperio, Kaisari Omurumi, yali Omwami wuwe.

Etini: Etini ya Abayahuti. Abayahuti bali nende litembeli Yerusalemu. Abasaayi bakholanga buli emilimo kia etini khandi abechesi baabeleo (khuli Abafarisayo) bechesianga abandu amechesio ka Ebangeli.


Olulakayo: Oluhepurania (Olulakayo lwa Abayahuti), Oluyunani (Olulakayo lwa abandu bakhali abayahuti ta), Olulatini (Olulakayo lwa Abarumi).



Sina sikila abandu abanyinji balebuusianga emuchela?



Mwirechekhe, Obwami
bwa Nyasaye
bulechanga!



Rachikha limenya liyakha!


Simunyala mwelukha Nyasaye ta. Ehaywa yiye ya obukhalaki yirecheekhwe okhurema emisi kia emisaala...




Buli omusaala kukhaama amatunda amalayi ta kukharemwem mani kusukunwe mu omulilo.

Rekeresia kano, efwe fwesi aundi khularemwa. Wina wunyala wamenya limenya lilayi?

Toto. Abulaho wunyala webacha obukhalaki bwa Nyasaye. Nabuchwa, wuwo omundu wuleechanga alakalukhasia limenya lienyu.



Nono, mwenya limenya lienyu likalukhasibwe? Yikanila obwoni bwenyu mani mupatiisibwe mu amachi kano.




Nono mwakhasaarulwa obwoni bwenyu, okhurachikha limenya liyakha.

Buli omundu alanganga omwilwachi wuli emuchela wulia ari Yohana Omupatiisi...

Esie embula obukhala khwinywe.
Endarechekhelanga yinjila wulecha okhukhwechesia wina niye Nyasaye.
Akhamupatiisie nende Roho Omuraboola nende mu omulilo kwa Nyasaye.
Esikholwa sino sikhamakalukhasie enywe.



Mani yinyuma wa kano...



Ewe niwe wukhoya wumbaatiisi e esie!




Ewe khola buchwa. Kho khwichusie elienya lia Nyasaye.



Papa, Obwami bubwo bwiche na elienya lilio likholekhe.



Mani omumilo kwawuliilikha okhurula mwikulu nikusunga kuri...



Yee, ewe niwe omwana wanje, nakhuyanja khandi nasiimisibwa ninaawe.

Yibeele mu okhurachikha khwa ebikha biefu bino nilwo lwa Yohana omupatiisi alarechekhanganga Abaisiraeli sikila okhwicha khwa Kurisito. Ebikha bino, Abaruumi bayaamia ebibala ebinyinji mu esialo. Isiraeli Yibeele buchwa esitonye esitiiti sia obwami bwa Rumi.



Abayahuti, mu esibala sia Isiraeli baabele ori bakhali nende omuyeti ta khandi bali khu esinyasio. Abandu balalindanga yinyinga ya Kurisito akhechele. Niye wubeele omusikuli wa okhwicha khukhwe khwang'olwa mu ebitabu bia khale bia Abayahuti. Akhakile Isiraeli yibe yikhongo.




Mu omuchela kwa Yoritani, Yohana Omupatiisi yechesia ari wuno niye Yesu.

Lengela! Sino nisio esimeme sia licheese lia Nyasaye silarusiangao obwoni bwa esialo.



Yesu niyakhamala okhupatiisibwa, Roho wa Nyasaye wamuyila mu esichiimi.

Yesu wamenyayo chinyinga amakhumi kane esilo nende esiteere. Nali ebwene eyo siyaliakho esindu siosi siosi ta. Yasaaya na okhwiymana esiakhulia kho anyale okhumanya emilimo kiikie obulayi.



Kho anyale okhukuura Sietani, Yesu yenyekhana yechesie esialo elienya lia Nyasaye. Yibeele yinganakani ya Nyasaye mbo abandu bebache okhurulana nende omureko kwa lifwa.

Yesu akelichwa nende Sietani, omuruki wa esiilima wukhalolekha ta, wurukanga esialo mwifwa nende obutamanu.



Yee Papa, endakhola liosi liosi lia wenya.



Nabuchwa Sietani, omuyingasi wuwe, akhaka okhura amaparo kali lukano mu Yesu, kho amuombakasi alekhe okhukhola emilimo kia Nyasaye.

Niiba mbo toto ewe wubeele Omwana wa Nyasaye, nono, kalukhasia amachina kano keekele omukati!

Tawe! Liahandikwa mu esitabu mbo, Omundu Sanyala okhumenya mu okhulia omukati kwonyene ta, nabuchwa khu buli likhuwa lia Nyasaye alakaya.



Niiba mbo toto ewe wubeele Omwana wa Nyasaye, yechesia orio! Yisukuna okhurula khu olusuli lwa litembeeli. Siliaandikwa liri chingeloosi chilakhukamula mu emikhono kiacho?

Lengela! Endakhuhesia obunyali bwoosi mu esialo niiba mbo olenama wunjichoomie.

Mani Sietani walekha Yesu yenyene. Chingeloosi checha chamuyeta.



Tawe! Liaandikwa liri, okhakelicha Nyasaye ta.




Rula hano Sietani. Liahandikwa liri, khukhoyela khwichoomie nende okhukhalabanila Nyasaye yenyene.





Yesu wichuule Roho Omuraboola lwa akalukha Kalilaya. Yesu yakhulila mu olukongo luno, luli nende abandu abanyinji muno luli esabani ya Isiraeli. Lwa yali khu oluchendo abandu abanyinji bamulondakho. Beebasia na okhureebana niiba mbo Yesu niye Kurisito wa amakhuwa kaake kahandikwa nende abang'oosi.

Yikhoyo ya esiselelo yikholekha mu olukoba lwa Kana luli mu ebikulu bia Kalilaya...



Yesu yesi wubeele mu yikhoyo yilia, halala nende mayi wuwe, nende balalakho ba abalina baabe.





Nabuchwa yikhoyo niyisichililila...

Buno sibuli obulayi ta! Etibai yiweele!

Khola buchwa lia Yesu alamusungila ari mukhole.



Yichusia amachi mu emitungi emikhongo, mani mutaekho muhelesie omwimilisi wa yikhoyo akonyelekho.



Chanjamakho olole. Ewe obikhile etibai yindayi nabwila ekhumalilikha!



Amachi? Yino etibai niyo! Khandi etibai yindayi muno!



?




Sinaachaakho mu yikhoyo ya esiselelo nga yino ta. Sinaalolakho amachi nikakalukhasibwa okhuba etibai ta, khandi etibai yindayi muno!

Yesu wa Nasreti niye wukholile kano!

Yesu wuno wina niye?

Kaperinaumu lubeele olukoba lwa abalobi ba ching'eni lwafuma luli khu yindulo khwa yinyanja ya Kalilaya. Yaho niho wa Yesu arachikhila okhulakaya yimbeli wa abandu khu ka obwami bwa Nyasaye.



Petero, khufuke eliaro khuche wa amachi kali amakali, niho wa mulasukuna chikhanda chenyu.

Khandi hano niho wa arobolela abechi baabe ba okhurachikha.



Omwami, khukhakile esilo siosi nabuchwa sikhunyolilekho esindu siosi siosi ta.



Nabuchwa sikila ewe usungile orio...



Kano ka okhuwukia. Sesubila kano ta!





Yakopo, Yohana,
Yicha yino! Efwe
sikhwalobakho
ching'eni chinyinji
khuli chino ta!




Rula wa endi
Omwami. Sikila
esie nibelee
omwoni.

Okharia ta, Petero!



Yicha mundondekho, na
esie endamukhola okhuba
abalobi ba abandu.



Ndondokho!




Yesu achendelela chimbeka choosi cha Kalilaya halala nende abechi baabe. Alechesianga abandu boosi khu ka obwami bwa Nyasaye. Alahonianga amalwale ka buli lukano nende okhukhuuma ebisieno. Abandu balachenyanga na okhumulondakho. Abandi balechanga yakhaba okhurula mu chingongo chindi nende Yerusalemu, olukoba olukhongo lwa Isiraeli. Balarekeresianga obulayi buli likhuwa lia asunga.



Baabele nende yikhabi balia bali abamanani, sikila obwami bwa mwikulu bubeele obwaabo.


Baabele nende yikhabi balia bali nende yinjala, sikila balekusibwa.




Baabele nende yikhabi bali nende esibeela sikila balachekha khandi.




Mubeele nende yikhabi enywe ba babiyilanga khulwa esie. Sangala khandi muchaachale sikila esihanwa sienyu sibeelle esikhongo mwikulu.







Kholela abandu bandi ka mwenya muri nibo bamukholele enywe bario.




Yesi yesi wulengela omundu mukhasi nende elienya lia okhuba ninaye, abechanga wukholile obuheyi ninaye mu omwoyo kukwe khale.




Mukhaba nende lihenda khu ka muchuli ta. Nyoha okaake obwami bwa mwikulu mbele mani ebindu bindi bilalondakho.




Siima abasuku benyu mani mubasaalile.




Yimoni yibeele etaa ya omubili. Niiba mbo yimoni yiyo yindamu niyo, aba, omubili kuukwo kwoosi kulaba mu obulafu. Nabuchwa niiba mbo yimoni yiyo yabofula olamenya mu esiilima.



Khola ka endamusungilanga kano. Mani mulafwanana nende omundu wombakha yinju yiye khu olwanda. Nimukhakhola murio ta, mulaba khuli omundu wulombakhanga khu omuyekhe.



Khola kali amalayi mu obwifusi bulali okhwiyechesia yimbeli wa abandu.



Abulao omundu wunyala okhurumikhila abami babili ta. Kaabeele buchwa mbo olarumikhilanga Nyasaye naho olarumikhilanga emiandu.

Yinyinga yindi ebituma bia abandu bali nibabunjikhaane mu yinju ya niye yalimo mu olukoba lwa Kaperinaumu...

Si khulanyala okhwinjila mukari mulia ta.

Khulakhaka khumwinjisie niye khwiselo liilie okhubirira khu olusuli lwa yinju.

Sindu siina sili esiangu? Okhusungila omundu wafwokoya ori, 'Wubeelelwe obwoni' naho ori, 'Sinjila ochende'?

Wuno anyala ariena okhusunga ario?

Alafulafusianga Nyasaye!

Nyasaye yenyene niye wunyala okhubeela obwoni.

Sina sili yikulu yilia?

Lekhana ninabo, abalina balia baabele nende liisubila likhongo.

Wubeelelwe obwoni buubwo!

Kurisito wubeele nende obunyali bwa okhubeela obwoni, khandi endasunganga endi, bukula liselo lilio mani ochende!



Ka okhuwukia muno!

Yee! Nono esie enyala okhuchenda!

Lola alachendanga!

Nabuchwa sibali boosi balasangalilanga ebikholwa ebilayi bia Yesu ta. Abemilili ba etini bakhabilisia niiba mbo Yesu alondanga amalaka ka Sapato. Mu esibala sia Isiraeli abandu bakaywa okhukhola emilimo kiosi kiosi khu yinyinga khuli yino.



Omundu wuno wubeele nende omukhono kwekakata. Koo, bubeele obulayi okhukhola likhuwa lilayi yinyinga ya bulano naho ta?

Abemilisi ba Yerusalemu bakhoyela basungilwe bari omundu wuno alakoyasianga esibala.



Kololosia omukhono kuukwo!



Yesu wuno kenyekhana khumubunie buchwa!



Wale! Wale! Nihonile!



Khuli esiyumba sia abandu sichiililila okhuyita, Yesu arekukha nende abechi baabe mu eliaro khu yinyanja ya Kalilaya. Nabuchwa...










Omwami khuhonie!
Khuleyinhanga!






Sikila sina nimuria?
Koo, lisubila lienyu libeele hena?













Endamusungilanga, Omwana sanyala okhukhola esindu siosi siosi khu obunyali buubwe omwene ta. Akhola buchwa lilia lia Papa yenya. Sinenya okhukhola elienya lianje ta, nabuchwa elienya lia Papa wanje. Niye wanduma esie.




Yesu wanala okhucha abundu abuyenjefu okhusaala.




Niyakhamala okhusaala esilo sioosi Yesu arobola abarume baabe likhumi na babili. Abahelesia obunyali bwa okhukuura ebisieno bioosi ebimayanu nende okhuhonia abalwale.



Abano nibo wandaye babili Petero nende Andereya...




Abano wandaye babili Yakopo nende Yohana...



Filipo nende Natanieli...

Tomasi nende Matayo (wali omuroosi wa emirulo mu oburuki bwa Abaruumi).



Tatayo nende Yakopo wundi.



Simoni (omuyingasi omululu) nende Yuta Isikarioti.




Cha, yesi yesi wumwakaanila enywe, aba wunjakaaniile esie, khandi wakaniile wulia wanduma esie.



Lichesa libeele likali, nabubwa abakhalabani nibo batutu. Saaya khu Omwami mwene lichesa mbo arume abakhalabani abanyinji bachese lichesa.

Abarume likhumi na babili bano bakalukha nibali nende obusangafu muno okhurulana nende emilimo kiabo kia oburume. Akano nikakhawa, Yesu alenyanga okhucha ninabo abandu wa abandu bakhali ta, nabuchwa, abandu mu ebituma sibenya okhubalekha ta.



Yesu achililila khandi okhwilwacha nende okhuhonia abalwale. Nono bulelabulanga...

Filipo, abandu bano boosi balanyoola barie esiakhulia? Nimusiima enywe bahelesie esiakhulia sisi sisi balie.

Omurungo kwa emiesi munane sikwakhanyalile okhutuukha abandu bano ta!


Omwana omusiani wubeele hano nende emikati kirano na ebinyeni bibili ebitiiti! Khubula esindu sindi ta.

Sungila abandu bekhale hasi mu ebipupu bia abandu amakhumi karano karano.

Yesu yopa orio khu Nyasaye...

Atonyamo emikati nende chinjeni.

Yesu akhola esiakhulia okhutasikha na okhuliisia Chielefu cha abandu...



Kenyekhana khumuamiyisise abe omwami.



Wuno, toto niye Kurisito wenyekhana okhwicha.

Lengela! Ebikapu likhumi na bibili bichuule bisikaale.



Ebise bituukhile abandu bano bache mu chingo chabo. Enywe, niina mu eliaro lienyu mwambukhe. Esie endasikalanga khu esikulu sino okhusaala.





Abandu balala balenyanga okhuamiyisia Yesu abe Omwami. Nibo babeele nende lisuubila mbo hasi wa oburuki buubwe, oburuki bwa Abaruumi bularusibwao. Khandi, abayingasi ba Yesu, balatasikhanga. Balachililanga okhumurakho amabi buli khase. Balenyanga okhuwachilisia abandu bamubiyile mani bamubunie.



Omwami, otuukhile hano bise sina?

Koo, mulangaakanga sikila ya emikati kia namuhelesie kilia?



Mukhahendela esiakhulia sibolanga ta, nabuchwa mukaake esiakhulia sili nende obulamu bwa kenyi na kenyi.



Esie niisie omukati kwa obulamu. Omubili kwanje nikwo kularusibwangwa khulwa obulamu bwa esialo.



Koo, omundu wuno anyala ariena okhukhuhelesia efwe omubili kuukwe khulie?

Obuno obuyingwa!

Koo, enywe mwesi simulenyanga okhucha ta?




Lekha efwe khwichiile.

Wuno alabeyanga buchwa buli omundu.



Omwami, khulacha wa wina? Ewe wubeele nende amakuwa kareeranga obulamu bwa kenyi na kenyi.



Elwanyi wa olukoba lwa Yerusalemu abandu beerwangwa buli khase.
Babambwangwa, nisio sili esinyasio esibi sia lifwa sia Abaruumi.



Kaaba bari omundu yesiyesi alenyanga okhuba omulondi wanje, kenyekhana yeyikaane omwene, abukule omusalapa kukwe mani yandondekho.

Omundu yesiyesi wenya okhuhonia limenya liilie omwene, alalitibia, nabuchwa wulia wutibia limenya liilie sikila esie, alalihonia .



Okhoyela okhumanya ori Nyasaye wubeele mulala yenyene.



Esindu sili esikhongo sibelee okhusiima Nyasaye wuwo nende omwoyo kukwo kwoosi, nende okhusiima abandu bandi khuli wesiima wamwene.



Ebitakayi bibeele mu esibala sia Isiraeli bili na abandu ba obulwale bwa amachele. Obulwale buno bubeele bwa okhurikhirisia muno. Bali nende obulwale buno, sibeyamibwangwa okhutubana nende abandu abalamu ta.



Abandu ba obulwale bwa amachele bayokelanga buli wa bacha kho bamanyisie abandu bandi mbo balechanga.

Yilinda! Ba amachele balabiranga!



Yesu Omwami! Khukholele chimbabaasi.





Cha mwiyechesie khu abasaayi.



Koo, khuche khu omusaayi? Okhupimwa?

Koo, nikhwakharulayo, Kho khuhone?



? !



Lola! Nihonile!



Kuhonile!

Yee! Nono esie enyala okhuchenda!



Haleluya! Nyasaye ni omulayi. Orio muno!



Abandu 10 basaarulilwe, sikali kario? Sienda balia baabele hena? Sikila sina sibeecchile okhusiima Nyasaye ta?



Sinjila! Lisubila lilio silikhuhoniisie buchwa ta, nabuchwa likhusikuule okhurula mu obwoni.

Abemilisi ba Abayauti, mu Yerusalemu, baruma abakhabilisi baabo khu Yesu, kho bamukhabilisiekho amakhuwa lwa aba nachenda. Nibo bayingasia muno emilimo kiikie emilayi.

Atubaana nende abandu ba yifuma yimbi nga abaheyi, abasololi ba emirulo bakhlabanilanga Abaruumi...

Kurisito wichile okhukaaka batiba kho abahonie.




Sikila Yesu athonianga abandu yinyinga ya Sapato...

Hona!



Khandi wasiima abana muno...

Lekha abana balia beche khwisie. Obwami bwa Nyasaye bubeele emiandu kia abandu bali khuli abana bano.



Yesu alangwa okhucha Petania, esitakayi sili ahambi nende Yerusalemu. Lasaro wubeele omulwale. Lasaro halala nende abakoko babe Marita nende Maria, babeele abalina abakhongo ba Yesu. Lwa Yesu atuukha Petania anyoola likhuwa mbo Lasaro yayabiilwe chinyinga chitaru chibirire...



Omwami, wakhabeele hano wandaye wanje siyakhafwile ta.



Wandaye wuwo alasisimukha, Marita.



Yee nimanyile. Akhasisimukhe yinyinga ya lisisimukha, yinyinga yimaliilisi.




Esie niisie lisisimukha khandi obulamu. Wulia wusuubila mwisie alamenya. Koo, osuubila orio Marita?



Yee Omwami. Esie esuubila endi ewe niiwe Kurisito, Omwana wa Nyasaye, wulia wulechanga mu esibala.



Mumuyabiile hena?



Omwami, yicha olengele.



Lengela.
Toto yali
wamusiima.

Nilali, niye
siyakhanyalile
okhukhingilila lifwa
lia Lasaro ta?



Chimbeka chino abafu babohwangwa mu esuka mani
barwa mu chimbiila chalombwa mu olwanda.

Rusiayo lichina lilia.




Omwami, wuchakile
okhuwunya, wumenyile mu
yimbiila chinyinga chine...


Mulalola oluyali-lukhongo
Iwa Nyasaye.



Papa, endasunganga kano
kho abandu bali hano
banyale okhusuubila mbo
niwe wanduma esie.



**Lasaro, rula
elwany!**



Mumurusiekho esuka yilia,
mumulekhuule yechiile.

Abaruki ba Yerusalemu benjilwa nende lihenda likali sikila okhubao khwa Yesu nende abalondi baabe...



Omundu wulia alakholanga amaya amakali muno.

Niiba mbo khulalekha amakuwa kano kachiilile, Abaruumi balarusia likhalaka likhongo.

Balaticulula litembeli liefu mani bonone esibala siefu.

Rumikhila obuchesi-bwela bwenyu. Yibeele kayikayi omundu mulala afwiile esibala okhukhila esibala siosi siononwe.




Khulwa yako Yesu akwanila okhwirwa.

Okhurulila ebise bilia, abemilisi ba Abayahuti barachikha okhukaaka yimbuka ya okhura Yesu mu emikhono kia Abaruumi sikila nibo bonyene bali nende obunyali bwa okhurusia likhalaka lia lifwa.

Yikhoyo yali yilachiilililanga Petania...



Amafura kawunya obulayi kalia kabele ka obukusi bwa hekulu!



Maria!



Andi nono kakusiibwe, mani chisilingi chilia chahelesibwe abamanani.



Mulekhe abe buchwa Yuta. Wubakhile omubili kwanje amafura kawunya obulayi okhukurechekha sikila liyabila.

Yikhoyo ya Pasaka yikana okhutukha. Abandu mu ebituma balachichanga Yerusalemu.



Mu olukoba lwa Yerusalemu, abemilisi balichanga echaamu ya okhutiila Yesu. Kakhaba kario niye alachiichangayo buchwa.





Abandu bamwakanila nende chingalakala chingali.

Karipu!

Hosana!




Wubeele nende chikhabi wulia wicha mu elira lia Omwami!

Omwami wa Israeli!




Yerusalemu wakhamanyile khuli onyala okhunyoora omulembe. Nilali si olenyanga ta.



Khukhole khuriena nono amakhuwa ni kali kari?

Esialo siosi silamulondanga kho.

Litembeli lili mu olukoba
olukhongo lulia, nisio esiko sia
okhwisaayilamo.



Ebise bia yikhoyo ya Pasaka,
Amacheese kasinjangwa.



Amacheese kasinjangwa nga
esihanwa kho abandu
bahambasibwe nende Nyasaye.




Nabuchwa, sihanwa sina sia
licheese linyala toto
okhurusiliao abandu obwoni
bwabo?



Mu oluya lwa litembeli, abandu
baleyuyanga okhukusia ofundu nende
okhukalukhasia chisendi.



Abwene na abwene, Yesu
yesi wawulukha...






Yinju ya Omwami
yenyekhana okhuba yinju
ya lisaala, nabuchwa
enywe muuyikholile
okhuba libina lia
abanuuli!



Wuno alachilililanga
okhuba omundu omubi,
nabuchwa buli omundu
alasuubilanga buli likhuwa
lia alakaya.

Toto, sikhuli nende elindi ta
nabuchwa okhukaaka khuli
khunyala khwamumalao.



Kenyekhana khukaake yinjila yimbacha ya okhumufumila. Nikhwakhakhola khurio, khunyala nono okhumwira.


Nilali chikhaba chinyinga cha Pasaka ta. Sikhwenya esiyumba siosisiosi sikholekhe mu yikhoyo ya Pasaka ta.

Mulambelesia chisendi chinga niiba mbo enyala okhumuhelesia Yesu?

Oyo niye Yuta, mulalakho wa abechi babe.




Khulakhuhelesia chinyangala amakhumi kataru, niiba mbo olahana Yesu khwifwe, esikelo siolaana nende sia okhukula omurumwa.



Endahana Yesu khwinywe.



Pasaka niyisili okutuukha Yesu
yelwachila abandu mu
litembeli. Ang'oola ari
Yerusalemu yikhakwe. Buli
omundu akhelukhe. nabuchwa
akhachiililile okhuyanja
abandu. Mani wareeba Petero
nende Yohana okhulomba
esiakhulia sia yikhoyo ya
Pasaka...



Yinyinga yilia angolobe, abechi babe 12
babukanana mu olukoba okhulia Pasaka.





Nayekombilenge muno okhulia
yikhoyo ya Pasaka yino halala
ninanywe esinyasio sianje
nisikhatsuukha ta.

Abaruki barukanga abandu
nibarumikhila amani,
nabuchwa enywe,
mukhakholakho murio ta.

Wulia wuli omukhalabani wa
boosi niye wukhabe
omukhongo wenyu.




Esie nibele mwinywe
nga omukhalabani.





Omwami ewe olenyanga okhuusinga esie ebilenje? Tawe, solaasinga esie ta!

Niiba mbo esie sendakhusiinga ebilenje ta, Petero, ewe solaba mu obuhambani ninaasie khandi ta.



Omwami, nono, singe nabuchwa sibili ebilenje bionyene ta nabuchwa omurwe nende emikhono kiosi!

Omundu niyesingile khale, yenyekhana buchwa asiinge ebilenje biibie bionyene.



Enywe mulandanganga esie muri Omwami nende Omwechesi, mulasunganga obulayi, sikila esie nibeele endio. Khuli buchwa nga emusingile ebilenje bienyu, kario kario enywe mwesi mwenyekhana mukholelane khuli esie emukholeele.



Mulala wenyu alanjaama!


Tawe!

Sendi esie ta, yita?



Sia olenyanga okhukhola Yuta, khola bwangu.






Mukholenge muri buli lwosi mu okhunjichulila esie...




Bukula omukati kuno, nikwo omubili kwanje.

Niiba mbo mulechesiana obusiime khuli buno, abandu boosi balamanya bari enywe mubeele abechi banje.



Bukula esikombe sino, nisiko amabanga kanje kalachichukhanga khulwa enywe. Mu yinjila yino, Nyasaye alakholanga yindakano yimbiakha ninanywe.

Omwami, esie endakhulondakho buli abundu. Endarusia obulamu bwanje sikila ewe.



Endamuhelesianga lilaka liyakha, musii mane khuli buchwa esie ninamusii mane enywe.

Petero, lwa etaywa yikhakholiokhe, ewe okhabe wunjikanile amakhabi kataru.



Ebise bindi, yinyinga yilia angoloobe, Yesu nende abechi babe balarulanga mu olukoba. Yuta sali halala ninabo ta...

Esie endamulekhanga enywe, nabuchwa Papa akhamurumire Roho Omuraboola. Niye wukhamuyete khandi akhabe ninaanywe buli lwosi.

Enywe mwamanya yinjila yichichanga abundu wa endachichanga.

Esie nibeele yinjila ya toto, nende obulamumu. Abulao omundu yesiyesi wunyala okhwicha khu Papa bulali okhubirira khwisie ta.

Yikhala hano. Esie endachichanga hambelikhohalia okhusaala.

Papa, niiba mbo kanyalikhana, ndusilieho esinyasio sino.

Nabuchwa kakhaba khuli esie neenya ta, nabuchwa khuli ewe wenya.



Enywe munyala muriena okhukona mu ebise ebitinyu khuli bino? Buukha! Wulia wa okhunjaama wutuukhile khale.



Fumila wulia wa endekwayila.



Mulembe, Omwechesi!

Yuta, olachamanga Kurisito mu okhumwikwayila?



Omwami, khulwane ninabo?



Tawe, lekha!



Yesu yeyama okhubukulibwa. Abechi babe basanyulukha nibelukhila chimbeka choosi.

Yesu ayilwa khu Omusaayi Omukhongo, wuli omukhongo wa abemilisi boosi ba Abayahuti. Petero nende Yohana balamlondangakho nibebundabunda yinyuma.



Petero yenjila mu olwanyi lwa Omusaayi omukhongo .



Koo, ewe sobeele ninaye?



Lekha obusilu. Ata esie semanyile omundu oyo ta.

Ewe wubeele mulala wabo, naho?



Tawe! Semumanyile ta.

Nibeele nende lisuubila, ewe wesi obele abundu yaho! Sikila ewe wesi wubeele Omukalilaya!




Ata semanya sia olasunganga ta.



Abwene na
abwene Etaywa
yakholiokha.



Yesu wesebukha walengelana
nende Petero...



Nono, ng'oola! Wina
wakhakhukhupa?



Mabwibwi, Yesu areerwa yimbeli wa
omuse kwa abemilisi ba Abayahuti.

Koo, ewe wubeele Omwana wa Nyasaye?

Kabeele khuli
mulasunganga.



Alafulafusianga Nyasaye!
Akhoyela okhufwa. Lekha
Abaruumi bamukhalakile.

Yesu areerwa yimbeli wa Kabana wa Abaruumi bari Pilato. Abemilisi ba Abayahuti balawachilisianga abandu balalolelenga. Balayokelanga nibasunga obubi bwa buli olukano bwa Yesu.



Ewe olasunganga ori sina okhulondekhana nende koosi ka abandu balasunganga? Koo, soli nende sia okhukalusiamo ta?



Sendalolanga obubi bwosibwosi khu omundu wuno ta. Bulano yibeele yikhoyo ya Pasaka. Emulekhuulile wina, Parapa naho Omwami wa Abayahuti?



Koo, okholile siina?

Esie nichile okhurusia obuloli bwa toto.




Bwa toto nisio sina?





Parapa!

Lekhuula
Parapa!



Nono mulenyanga
muri ekhole sina
Yesu wuno?

Mubambe!


Niye alebukulanga
khuba Omwami!

Niiba mbo omulekhuula,
aba ewe soli omulina wa
Kaisari ta.



Ewe olalekhuulwangwa
mu obwiyangu buubwe.


Parapa alekhuulwa. Niye yali wukhalakiilwe
sikila obwiiri burulana nende siasa.




37, 38, 39!



Esie sendi nende obubi nende
amabanga ka omundu wuno ta.



Mulembe, Omwami wa
Abayahuti.



Lengela! Omusacha ngwoyo!

Mubambe!


Mubambe!

Mubambe!



Pilato arao olwala khu likhalaka lia lifwa. Likhalaka lia lifwa, mu yinjila ya okhubambwa, liali likhalaka lia okhuriikhirisia toto! Yesu abukula omusalapa, kuli esindu sia esinyasio, abirira khu ebikila bia Yerusalemu.

Abundu wa babambilanga abandu abeele elwanyi wa olukoba. Abundu alia balangangao bari Kolikota, liechesia mbo abundu wa esianga...



Hano abasikari bakhoma Yesu khu omusalapa nibarumikhila emisumari, khu emikhono nende ebilenje.



Yinyuma yilia, Yuta
alanyakhananga okhurulana
nende kalia koosi ka akholile.




Esie nikholile
obubi.


Nichaamile
omundu wukhali
nende obubi ta!



Akene yako sikali akefu ta!
Kakhunyale wamwene!




Yesu abambwa akarikari
wa abefwi babili.




Papa, babeele, sikila
sibaamanyile sia
balakholanga ta.

Esipao sinying'nywa mu chindimo chitaru na okhurwa akulu khu omusalapa, banying'inyikho bari, "Yesu, Omwami wa Abayahuti..."



Yesu aloba okhunywa etibai yindulu okhumuyeta okhukhingilila obululu.



Abasikari bopela yisimbi chingubo chiiche.



Yee!
Koo,siyahonianga abandu bandi?



Niiba mbo ewe wubeele Omwana wa Nyasaye, nono, yiikha okhurula khu omusalapa!

Ewe soriakho Nyasaye ata atutu ta. Efwe khulanyakhananga khu kalia ka khukholile, nabuchwa omundu wuno siwukholilekho liibi liosiliosi ta.

Yihonia wamwene, ninaafwe!



Wunjichulile lwa okhenjile mu obwami buubwo.



Endakhusungilanga toto, bulano buri olaba halala ninaasie paratiso.

Lwa chatuukha chiisa
chisasab mu esiteere,
eliuba lialekha okhwakha,
esiilima esikali siatila.



Maria mayi wa Yesu nende
omwechi Yohana,baasingila
ahambi nende omusalapa.

Nono enywe mubeele
mayi na omwana.



Nyasaye wanje,
Nyasaye wanje, sikila
sina niwundekha?

Ndawulila
nga...
obulesia




Papa, mu emikhono kiikio
embiikha omwoyo kwanje.



ka ... kaawele.

Yesu afwa chisa sienda mu esiteere.
Omusikari mulala awuna Yesu mu
olubafu luulwe, amabanga nende
amachi kachichukha.



Ebitabu bisunga biri,
"Yemililwa khuli licheese
okhucha mwibaakilo."



"Yawunwa nende
okhutubundulwa khulwa
obwoni bwefu." nabuchwa
nono wufwile.



Koo, oyo niye Kurisito
wenyekhananga okhwicha
naho sali niye ta?



Yicha, khuche khusabe
omunwa kwa
okhumuyabila.



Yosefu wa Arimatea nende Nikotemo babukula
omubili kwa Yesu. Bakuboha mu esuka na amafura
kawunyanga obulayi, na okhukura mu yimbiila. Bara
lichina likali amuliango wa yimbiila.



Yinyinga ya elimuunya lia
Pasaka ni yakhawa, balala khu
abakhasi bali nibabeelele olukali,
bacha wa yimbiila yilia yali.



Lichina lipiringisiibwe
lichiile hale nende
yimbiila!

Sikila sina nimulakaakanga
wuli omulamu mu abafu?
Wusiisimukhe! Cha musungile
abechi babe.





Lwa Petero nende Yohana
bahulila kano batimaka
chimbilo okhucha wa
yimbiila yili.



Sina
siikholekhe?




Yimbiila
yiibele
buchwa!



Yinyinga yilia, abalondi babili ba Yesu, nibabeelele mumwoyo olukali, banyoolana nende omundu khunjila, mani barachikha okhulakaya ninaye okhulondakhana nende okhwirwa khwa Yesu...

Koo, enywe khane simusuubilanga kalia ka abang'oosi basunga ta? Koo, sikakwanilwa mbo Kurisito abisibwe khu esinyasio ta? Kano koosi kaandikwa mu amahandiko amaraboola.



Ebise bia okhulia esiakhulia, omucheni amitiokha buchwa lulala...

Ndi koo, oyo abeele buchwa Yesu mwene!



Barekukha abwene na abwene okhucha okhukaaka abalondi bandi ba Yesu.

Maria nende Petero bosu bamulolile!

Khwakhalola Omwami!



Abwene na abwene!

Mulembe!



Koo, enywe simulasuubilanga muri niisie ta? Lengela emikhono kianje nende ebilenje




Omwami wanje khandi Nyasaye wanje!



Yesu aolekhanila abalondi babe khu esikha sia chinyinga amakhumi kane. Khandi yeyechesia khu abandu chimia chirano khu esikha silala. Yinyinga ndala abechi babe bali balalobanga chinyeni mu yinyanja ya Kalilaya...





Koo, Petero,
ewe toto
wayanyanja?



Yesu alareebanga
Petero lireba lilala lilia
amakhabi kataru.



Yee, Omwami, ewe
wamanya ori
nakhuyanja.

Yaaya
amacheese
kanje.




Ndondokho!

Nihlesiibwe obunyali bwoosi mwikulu
nende khu esialo. Cha mu esibala mukhole
abandu ba ebibala biosi okhuba abalondi
banje. Mubapatiisie mu elira lia Papa,
Omwana nende Roho Omuraboola, mani
mubechesie okhutiila amechesio koosi ka
emusungiile.




Mwichulile buchwa muri, esie nibeele
inaanywe, chinyinga choosi,
nabwila okhuwa khwa esialo.



Olunyuma lwa
amakuwa kano, Yesu
arula mu esialo na
okhubukulibwa okhucha
mwikulu. Nilali khandi
wusungile ari
akhakalukhe
okhukhalakila abandu
boosi...

Yesu wurekuukhe. Abalondi baabe balalindilanga mu olukoba lwa Yerusalemu, nibasaaya. Roho Omuraboola wuli Roho wa Nyasaye, yeekha na okhubenjilamo. Roho mulala wulia wali mukari mwa Yesu, bulano yesi alamenyanga mukari mwabo. Alabakholanga okhuba abandu abayakha banyala okhuhaana obuloli obutilingifu khu Yesu.

Lifwa silianyala okhuminya Yesu ta. Nyasaye yamukalusilia obulamu bubwe. Nyasaye yamukhola abe Omwami wa Abami.



Abalondi ba Yesu bacha buli abundu mu esialo yakhaba mbo banyoola obungasi obukali.

Yesu wubeele Omwana wa Nyasaye!




Likhuwa Lilayi lilia lialandisibwa ata okhubirira muchibarua.

Yabukula obwoni bwefu khu omubili kukwe okwene lwa yafwa khu omusalapa. Nisio sikila efwe nikhufwile mu obwoni mani okhurulila bulano okhuchililila, khunyala okhumenya khuli Nyasaye yenya khumenye.

Nono abalondi ba Yesu, buli abundu mu esialo, babukaananga halala na okhusaaya halala na okhusoma Ebangeli. Batonyanga omukati nende okuhana esikombe sia etibai khulwa okhwichulila lifwa lia Yesu. Libeele elienya lia Nyasaye mbo balasanga obusiime bubwe, bumenyanga mu emioyo kiabo, nende balia bali ahambi ninaabo.



Yesu wukholile abandu
okhumenya halala mu
omulembe...



Yesu wakhusiima ewe!
Mukhupile orioo khandi
omwisaaye!



Nyasaye wayanja esialo khu
esikelo sia okhurusia Omwana
wuwe omutelwa. Yesi yesi
wumusuubila si alatiba khandi ta
nabuchwa alamenya limenya lia
kenyi na kenyi.

WILLEM DE VINK

EBANGELI

Yimbakha ya Yesu yibeele elichulila mu Ebangeli. Esitabu sindi sibulao siasomwa khandi silasomwangwa bulano buri okhukhila Ebangeli ta. Sibelee esitabu siechula nende ebitabu bindi mukari. Yabukula emiyika 1500 okhuandika ebitabu bino bioosi. Ebangeli yatabusibwa emiyika 1900 kiabira. Yibeele nende buli lukano lwa yimbakha okhulondakhana nende khuli Nyasaye yefumulula mu limenya lia abandu. Yimbakha ya Yesu yinoosia muno Nyasaye wina niye.


YIMBAKHA YA YESU

Ebangeli yibeele nende ebitabu 4 binoosia khu obulamu bwa Yesu. Biakulikhwa okhulondakhana nende buli wabihandika. Balia bahandika boosi bamenya chinyinga cha Yesu.

Matayo - Omulondi wa Yesu. Yakhola emilimo kia oburoosi bwa emirulo. Yenoosia khuli Yesu yanyala okhukhola emilimo kiike mu abandu ba Isiraeli (Abayahuti).

Mariko - Yali asili omuraaka lwa Yesu yali nakhola emilimo. Yahandika matiiti muno khu amaya ka Yesu yakhola.

Luka - Yali omusilikhi. Niye omwene siyali wamanya Yesu ta. Luka yenoosia ka Yesu yakholela abandu.



Yohana - Niye yesi yali omulondi wa Yesu. Niye yechesia olukali Yesu wina niye. Yesu wubeele Nyasaye wakholwa omundu kho alekhuule abandu okhurula mu obwoni.

ELIBULWA LIA YESU

Lwa Yesu yebulwa, maayi wuwe, Maria, yali asiili okhunyoola yinju ta. Yali asiili omuchima. Yinganakani ya Nyasaye yali mbo Yesu yebulwe. Amaya kalia kali kang'oolwa mu ebitabu ebikhale chinyinga cha Yesu nichisili okhutuukha ta. Yesu siyebulwa mu obukhongo naho nga omundu wa oluyali ta. Yebulilwa mwitala abundu wa chinyombe chiliilanga sikila obwiyangu sibwali mu chinju cha abacheni ta.

AMAYA KA YESU

Yesu yakhola amaya amanyinji. Ebangeli yinoosia yiri yahonia abandu babira 40. Okhubirira mu amaya, Yesu yechesia amani ka Nyasaye nende obusiime bubwe. Yechesia ari Nyasaye yenya okhuyeta abandu nende okhubakhola babe nende obusangafu.



LIFWA LIA YESU NENDE LISISIMUKHA LIILIE



Sina siakila Yesu wafwa? Akano kayenoosibwa mu Ebangeli.

Ebise bilala abandu boosi bakholanga ebikholwa ebibi. Ebikholwa bikhasiimisia Nyasaye na okhukila niye aba nende liirima naho okhumukhola abeelele.

Ebikholwa bilia nibio bilangwangwa obwoni. Obwoni bwoosi bunyala okhukhingilila abandu bakhaba abalina ba Nyasaye ta.

Nisio esifuno siakila Yesu wecha. Mukhwirusia khukhwe, Yesu omwene yabukula esinyasio sia khwali khunyoole sikila obwoni bwefu. Esinyasio silia siali lifwa. Okhurula Yesu nafwa khulwa obwoni bwefu, khunyala khwaba abalina ba Nyasaye. Nilali kenyekhana khwikanile khu amabi kefu ka khukholile. Yesu yasiisimukha okhurula mu abafu. Nyasaye yamukhola okhumenya khandi. Khu esikholwa sino Nyasaye yakhwechesia ari niye wubeele nende obunyali obukhongo okhukhila lifwa.

Nono Yesu wamenya nende Nyasaye. Na sikila wamenya, ebise biosi anyala okhuba omulina wefu. Alenyanga okhukhuyeta efwe khumenye mu yinjila yilasiimisia Nyasaye.

LISAALA

Niiba mbo wikanila obwoni bwa wakhola na niiba mbo wenya okhuba omulina wa Nyasaye, onyala okhusaala lisaala khuli lino:

“Nyasaye wa obusiime, wayasiima.

Waruma Yesu, Omwana wuwo omutelwa.

Yafwa khu omusalapa khulwa amabi kanje koosi ka nakhola.

Esaala endi wumbeele amabi ka nakhola. Nikhukholeele amabi, wumbeele.

Orio, sikila ewe Yesu wubeele olubeka lwanje.

Buli lwosi endenyanga embe owuwo.

Endasaalanga endi wunjete emenye limenya lia wenya esie emenye.

Obe ahambi ninasie ebise bioosi.

Orio okhumba amakalusio khwisaala lianje.

Ewe okholanga buli lia olakanga!”

YESU NINAWE

Yimbakha ya Yesu yibeele nende litabusia lili khwasia. Yesu yali omulina wa abandu abanyinji muno, chinyinga chilia nende bulano. Esialo siakalukhana. Abandu abanyinji bulano sibachendelanga khu chisikhili naho khu chifarasi ta nilali bachendelanga mu emituka naho chindeke. Nabuchwa akano sikakalukhasia esindu siosisiosi khu Yesu ta. Anyala okhuba halala ninaafwe khuli nga yali ni achenda nende Isiraeli. Salolekha ta nilali niye wubeeleo. Kanyalikha mbo salolekha ta, nabuchwa wubeeleo toto. Alenyanga okhuba omulina wuwo bulano buri. Onyala wamurekeresia na khandi onyala wamuyanja.

Koo, wenya okhumanya amakali khu Yesu nende khu limenya halala ninaye? Nikali kario onyala wakhola amakhuwa kalondokho kano:

1. **Rachikha okhusoma Ebangeli ewe wamwene**


(Bulano buri, onyala warachikha okhusoma esitabu siahandikwa nende Luka).

2. **Rachikha okhusaala**

(Lakaya nende Nyasaye mani omurekereesie niye - soyingilisibwa okhurumikhila amakhuwa amarobole ta).

3. **Lakaya nende abandu bandi okhulondakhana nende Yesu nende Ebangeli.**

Yesu yenya ari abalondi babe babukananenge halala nibatinyilisiana emioyo nende okhwechesiana muno khu Yesu.



Chimbakha choosi Amareeba

1. Yesu ngwoyo alechanga! (p.1-3)(Mat 3:1-17)

- Sikila sina abandu bali bebuusisie emuchela?
- Yohana yasungila abandu ari bakhole sina okhwirechekhela okhwicha khwa Obwami bwa Nyasaye?

2. Liye likhalolekha ta (p.4-5)(Mat 4:1-12)

- Yesu niyakhapatiisibwa Roho Omuraboola yamuyila hena?
- Yesu yakhola sina nali mu esichiimi?
- Sietani yakelicha Yesu munjila sina?
- Yesu yakalusianga ariena lwa Sietani yamukelichanga?

3. Yikhoyo ya esiselelo Kana (p.6-7)(Yohana 2:1-11)

- Yesu yacha Kana sikila sina?
- Maya sina ka Yesu yakhola Kana?

4. Ndondekho! (p.8-9)(Mat 4:12-22)

- Yesu yareeba Petero okhukhola sina? Sina siekholekha lwa Petero yakhola ario?
- Yicha munondekho kho emukhole okhuba abalobi ba abandu. Onyala wareera abandu khu Kurisito munjila sina?

5. Amechesio khu esikulu (p.10-11)(Mat 5:1-16)

- Balia babiriranga khu esinyasio sikila Obwami bwa Nyasaye bakhanyoole khabi sina?
- Abasuku befu kenyekhana khubakhole khurie?

6. Okhuhona! (p.12-13)(Luka 5:17-25, 6:6-11)

- Khunyala okhwiyika sina okhurula khu abalina ba omundu omulwale?
- Rumbula ebindu bibili bia obukhala bia Yesu yakholela omundu omulwale?

7. Nende Yesu mu eliaro (p.14-15)(Mat 8:23-27)

- Butinyu sina bwa abechi banyoola mu eliaro?
- Yesu yamalao obutinyu bulia ariena na ewe onyala okhwiyika sina okhurulana nende amani ka Yesu?

8. Obulekhuule okhurulana nende amani ka Sietani (p.16-17)

(Mariko 5:1-20)

- Nibo balola wina, lwa batuukha olubeka lundi lwa omuchela? Yesu yamukholela sina?
- Yesu yareeba omundu wulia okhukhola sina?

9. Emilimo (p.18-19)(Mat 9:35-10:4)

- Yesu yacha hena okhusaaya? Onyala weyikakho sina esilayi okhurulana nende lino?

10. Yesu ahana mu obwichufu (p.20-21)(Yohana 6:1-15)

- Yesu yakhola sina okhwechesia mbo yali nende esisa khu abandu?

11. Suubila naho oche (p.22-24)(Mat 14:22-33, Yohana 6:22-40, 60-69)

- Sikila sina Petero yarachikha okhwiyinikha?
- Lwa Yesu yareeba abechi baabe niiba mbo bosu sibalamulekha ta, nibo bakalusia bari sina? Onyala okhwiyika sina okhurulana nende lino?

12. Bukula omusalapa kukwo! (p.25)(Mat 16:13-28)

- Lwa Yesu yareeba abechi baabe ari nibo basunga bari niye wina niye, nibo bakalusia bari sina?
- Yesu yasunga ari balia benya okhumulondakho bakhoyela okhukhola sina?

13. Ba wa okhupa orio! (p.26-27)(Luka 17:11-19)

- Wina besaaya Yesu mbo abahonie?
- Nyasaye yenyanga ari efwe khukhole sina niyakhukhuwa amakalusio khu amasaaya kefu?

14. Ba khuli omwana (p.28)(Luka 19:1-10, Mat 19:13-15)

- Sikila sina abakhongo Abayahuti beenya omukhalabani wabo alonde khu Yesu?

15. Yesu ahananga obulamu (p.29-30)(Yohana 11:17-44)

- Yesu yasinjilila sina lwa yasunga ari niye wubeele obulamu nende lisiisimukha?

16. Akwanila afwe! (p.31-31)(Yohana 11:45-54)

- Yesu yasiisimusia wina okhurula mu abafu?
- Sina siakila abakhongo ba Abayahuti okhuba nende lirima nende Yesu nende abechi babe?

17. Okhuhelesia Yesu liiria (p.32-32)(Yohana 12:1-11)

- Yesu yasunga ari Maria yali alakholanga sina, lwa yachukha amafura kawunyanga obulayi khu ebilenje biibie?

18. Omwami wetuutuya (p.33-34)(Luka 19:29-44)

- Sikila sina Yesu niyaniina khu esikhili okhucha Yerusalemu?
- Sihanwa sina sia licheese sinyala siasinga obwoni?

19. Okhusaruulwa okhukhongo (p.35-36)(Luka 19:45-48)

- Lwa Yesu yengila mwitembeli sikila sina niyali nende lirima nende abandu?

20. Lichaama (p.37-38)(Mat 26:14-19)

- Wina wabukula chisendi mani wachaama Yesu?

21. Okhusingwa ebilenje (p.39-40)(Yohana 13:1-35)

- Esifune sia Yikhoyo ya Pasaka sibeele sina?
- Yesu yasinjilila sina lwa yasunga ari wulia wuli omukhalabani niye wukhabe omukhongo?

22. Emesa ya omwami (p.41)(Mat 26:26-30, Yohana 13:34-38)

- Yesu yasinjilila sina lwa yasunga ari okuno nikwo omubili kwanje khandi ari etibai yino niko amabanga kanje?
- Yesu yasunga ari abechi bakhoyela okhukhola sina okhwechesia mbo toto babele abechi baabe?

23. Lifumilwa (p.42-43)(Yohana 14:1-31, Mat 26:36-56)

- Yesu yasunga ari Papa wuwe akhabahelesie sina?
- Yesu yasinjilila sina lwa yasunga ari, 'Esie nisie yingila, toto nende obulamu?

24. Liyaalwa (p.44-45)(Mat 26:57-75)

- Wina wekaana ari samanyile Yesu ta?
- Omukurisito anyala okhukhola sina siechesia mbo wikaanile Yesu?

25. Likhalaka lia Lifwa (p.46-47)(Mat 27:11-30, Yohana 18:28-40)

- Yesu yatiilwa sikila sina?

26. Okhucha khu omusalapa (p.48)(Yohana 19:1-18)

- Yesu yareeba Papa wuwe ari akhole sina khu balia bamubamba?
- Khunyala okhwiyika sina okhurulana nende lino?

27. Omulaamwa (p.49)(Mat 27:3-10, Luka 23:32-34)

- Wina wabukula chisendi kho achaame Yesu?

28. Yesu Afwa (p.50-51)(Luka 23:32-46, Mat 27:46-50,

Yohana 19:25-30)

- Mwifwi sina wa Yesu yalaka ari akhabe ninaye paratiso?

29. Elirusia lia Yesu (p.52)(Yohana 19:31-42)

- Likhuwa sina liali limalilisi lia Yesu yasunga nasili okhukhalaka emiuya ta?

30. Yesu Omulamu! (p.53-54)(Mariko 16:1-9, Yohana 20:1-18)

- Lwa abakhasi bachendelela yimbiila yinyinga ya khataru, yingeloosi yabasungila yiri sina?

31. Yesu Halala Ninaafwe (p.55)(Luka 24:13-43, Yohana 20:19-29)

- Lwa yesu yalolekhanila Maria, yasungila Maria ari sina?

32. Elindi Libulao “Esie wa okhuranga!” (p.56-57)(Yohana 21:1-19, Mat 28:16-20)

- Yesu yasungila Petero nende abechi bandi ari bakhole sina?

33. Obuloli (p.58)(Ebikholwa 2:22-39)

- Lwa abechi bebusia halala mani basaala, banyoola sina okhurula khu Nyasaye?

34. Nyasaye wubeele ahambi (p.59)(Abaefeso. 1:1-15)

- Sina nisio esimanyisio mbo Nyasaye waasima esialo?

Translation by: Bible Translation and Literacy (E.A)

Translators: 1. Samson Wanyonyi Ngosia

2. Tobias Kerreh Walubengo

3. Brenda Khakasa Sunguti

e-mail: tachoni@btlkenya.org

P.O Box: 44456-00100, Nairobi, Kenya

Website: www.olutachoni.com

Text and illustrations: Willem de Vink Copyright © 1993 Stichting Wereldtaal, Houten, The Netherlands. Published in Dutch as “Jezus Messias”.

Edition in Tachoni © 2020

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail : jmpbk.app@gmail.com

https://www.jesusmessiahcomicmedia.com

YESU KURISITO Eyino Yibeele yimbakha ya toto ya Yesu Kurisito. Yamenya Yisraeli emiyika 2000 kiabira. Buli omundu wabukanana ninaye yachenyisibwa. Abulao omundu wakhola amakhuwa ka niye yakhola tawe. Abulao omundu walakaya amakhuwa nga ka niye yalakaya ta. Amaya kachililanga okhukholekha buli abundu wa Yesu yali. Khandi yareera obusangafu khu buli omundu wamurekeresia. Kakhaba kario, amakhuwa kano kamamulukha lulala buchwa. Abasuku baabe bamubunia. Nabuchwa, kano sikaali amatabusia ta. Yisomela wamwene khuli kakholekha mani olole khuli yimbakha ya Yesu Kurisito yachililila!



*Olulimi: Olutachoni
Language: Tachoni (Kenya)
ISBN: 978-94-93178-24-3*